

USTAVNI SUD
BOSNE I HERCEGOVINE



УСТАВНИ СУД
БОСНЕ И ХЕРЦЕГОВИНЕ

CONSTITUTIONAL COURT
OF BOSNIA AND HERZEGOVINA

COUR CONSTITUTIONNELLE
DE BOSNIE-HERZEGOVINE

SAŽETAK IZVJEŠTAJA O IZVRŠENJU ODLUKA USTAVNOG SUDA BOSNE I HERCEGOVINE

Ustavni sud Bosne i Hercegovine (Ustavni sud), na plenarnoj sjednici održanoj 13. jula 2023. godine, usvojio je ažurirani Izvještaj o izvršenju odluka Ustavnog suda broj SU-04-618/23. U Izvještaju je konstatirano da je u periodu od jula 2022. godine, kada je bio usvojen posljednji izvještaj o izvršenju, pa do 30. juna 2023. godine stanje s izvršenjem odluka Ustavnog suda sljedeće:

1. Odluke iz nadležnosti Ustavnog suda po članu VI/3.a) i c) Ustava Bosne i Hercegovine (tzv. odluke o ustavnosti – oznaka „U“)

Neizvršeno 8 U odluka:

1. **U-15/11** (po zahtjevu sutkinje Kantonalnog suda u Sarajevu za ocjenu kompatibilnosti odredbe člana 3.a Zakona o prestanku primjene Zakona o napuštenim stanovima i odredbe člana 39.a i 39.e Zakona o prodaji stanova na kojima postoji stanarsko pravo sa članom II/3.k) Ustava BiH i članom 1. Protokola broj 1 uz Evropsku konvenciju) – nalog za izvršenje je izdat Parlamentu Federacije Bosne i Hercegovine.

2. **U-10/19** (po zahtjevu sudije Općinskog suda u Cazinu za ocjenu kompatibilnosti odredbi člana 69. st. (3) i (4) Zakona o izvršnom postupku FBiH, „Službene novine FBiH“ br. 32/03, 52/03, 33/06, 39/09, 35/12 i 46/16 i „Službeni glasnik BiH“ broj 42/18) – nalog za izvršenje je izdat Parlamentu Federacije Bosne i Hercegovine.

3. **U-16/21** (po zahtjevu sudije Općinskog suda u Zavidovićima za ocjenu ustavnosti člana 21. stav 2. tačka 4, člana 105. i dijela člana 75. Zakona o prekršajima, „Službene novine FBiH“ broj 63/14) – nalog za izvršenje je izdat Parlamentu Federacije Bosne i Hercegovine.

4. **U-9/09** (po zahtjevu Kluba delegata hrvatskog naroda u Domu naroda Parlamentarne skupštine BiH za ocjenu ustavnosti odredbi člana 19.4 Izbornog zakona BiH i člana 17. Statuta Grada Mostara) – nalog za izvršenje je izdat Parlamentarnoj skupštini i Gradskom vijeću Grada Mostara.

5. **U-18/22** (po zahtjevu sudije Općinskog suda u Zavidovićima za ocjenu ustavnosti člana 56. stav 2. tačka 3, člana 56. stav 3. i člana 94. Zakona o prekršajima, „Službene novine FBiH“ broj 63/14) – nalog za izvršenje je izdat Parlamentu Federacije Bosne i Hercegovine.

6. **U-18/21** (po zahtjevu sutkinje Osnovnog suda u Zvorniku za ocjenu ustavnosti Zakona o plaćama i naknadama sudija i javnih tužilaca u Republici Srpskoj, „Službeni glasnik Republike Srpske“ broj 66/18) – nalog za izvršenje je izdat Narodnoj skupštini Republike Srpske.

7. **U-16/20** (po zahtjevu 24 člana Predstavničkog doma Parlamentarne skupštine BiH za rješavanje spora između Bosne i Hercegovine i Republike Srpske) – nalog za izvršenje je izdat Komisiji za koncesije Bosne i Hercegovine.

8. **U-23/14** (po zahtjevu Bože Ljubića, predsjedavajućeg Predstavničkog doma Parlamentarne skupštine BiH u vrijeme podnošenja zahtjeva, za ocjenu ustavnosti odredbi čl. 10.10, 10.12, 10.15 i 10.16 Potpoglavlja B Izbornog zakona BiH i odredbi člana 20.16.A Poglavlja 20 – Prijelazne i završne odredbe Izbornog zakona) – nalog za izvršenje je izdat Parlamentarnoj skupštini Bosne i Hercegovine.

2. Odluke iz nadležnosti Ustavnog suda po članu VI/3.c) Ustava Bosne i Hercegovine (tzv. apelaciona nadležnost – oznaka „AP“)

Neizvršena 31 AP odluka, i to: [AP-528/13](#), [AP-3628/16](#), [AP-4985/16](#), [AP-4171/16](#), [AP-2832/16](#), [AP-2293/16](#), [AP-2193/17](#), [AP-2216/17](#), [AP-2484/17](#), [AP-3908/17](#), [AP-3942/17](#), [AP-4132/17](#), [AP-4274/17](#), [AP-7704/18](#), [AP-7637/18](#), [AP-5639/18](#), [AP-4103/18](#), [AP-3436/18](#), [AP-2639/18](#), [AP-](#)

[1633/18](#), [AP-2137/19](#), [AP-3611/19](#), [AP-2800/17](#), [AP-3633/19](#), [AP-3806/19](#), [AP-3916/19](#), [AP-2245/21](#), [AP-1464/21](#), [AP-3932/21](#), [AP-4370/21](#) i [AP-861/10](#).

„Vojni stanovi“

Prema posljednjem izvještaju usvojenom u julu 2022. godine bilo je neizvršeno **60 AP** odluka koje se odnose na „vojne stanove“. Ustavni sud je u međuvremenu donio još jednu odluku u kojoj je utvrdio kršenje prava na imovinu. Ured zastupnika/agenta Vijeća ministara pred Evropskim sudom za ljudska prava („Ured zastupnika/agenta“) obavijestio je Ustavni sud da je Komitetu ministara Vijeća Evrope dostavljen „revidirani akcioni plan za ovu grupu predmeta“. S obzirom na to da izvršenje tih odluka podliježe nadzoru Komiteta ministara, Ustavni sud je zaključio da će se ti predmeti staviti u poseban status „provjere“ sve dok se s Uredom zastupnika/agenta ne dogovori kako da se pristupi problemu konačnog zatvaranja tih predmeta.

3. Ostalo

Ustavni sud je u 24 U zahtjeva donio rješenja o neizvršenju. U 11 predmeta Tužilaštvo Bosne i Hercegovine je obavijestilo Ustavni sud da je donijelo naredbu o neprovođenju istrage. U ostalim predmetima nema obavijesti o postupanju Tužilaštva BiH.

Ustavni sud je u 98 AP predmeta donio rješenja o neizvršenju. U 84 predmeta Tužilaštvo Bosne i Hercegovine je donijelo naredbu o obustavljanju, odnosno neprovođenju istrage. U ostalim predmetima Ustavni sud nije obaviješten o postupanju Tužilaštva.

Napomena:

Sve odluke donesene u izvještajnom periodu su objavljene i mogu se pronaći na internetskoj stranici Ustavnog suda BiH www.ustavnisud.ba.

Uputstvo za pretragu odluka možete pronaći na internetskoj stranici [Ustavni sud Bosne i Hercegovine | Uputstvo za pretragu](#).